

eko aindaririk gabe



☆ Erne, etorkizuneko gazte

2120. urteko irailaren 6a, mundu osoko iraultza sozialistaren urtebetezea edo lehen mendeurrena zeinak ideal bakarrean eta elkartasun sozialistaren pentsamendu bakarrean planetako herri guztiak elkartu zituen, eta gizarte berriaren etsai guztien amaiera ezarri zuen. Hemen, min, sofrimendu eta hilketazko iragan tristearen oroimena besterik ez da geratzen

Barka lezadazue

Ametsetan ari nintzen ekintza hauek idatzi ditudanean; neronek ez ditut ikusiko, baina amestearen plazerra izan dut.

Chico Mendes

zenbaitek ustiapen jasangarria ere deitzen diote horri—. Oihanaren erakuspenei jarraitu nahian, oihan zabalak eskaitzen dituen beste aberastasun guztiak ustiatzeko bideak jorratzen hasi dira: sendagaiak, frutak, olioak, palmerak e.a.

Erauzketa-erreserbak, naturaren babesguneak diren aldetik, eta seringeroek gune hauen ardura duten aldetik, ingurugiro-zergaren ideia zabaldu eta aldarrikatzen hasi dira: «Mundu guztiak eskatu eta exijitzen du Amazonia babesteko; bada, oihana benetan babesten dugunok gu garenez, ordain diezagutela egiten dugun lan hori».

Gaitzaren sortzailea oraindik bizi-bizi dago. Oihanaren deusezteak aurrera darrai, eta suntsipena Brasilek eta munduak duen garapen-ereduaren ondorio zuzena da. Amazoniako agintari eta boteredunak orain hamar urte ziren bertsuak dira, fazendeiro eta madeireiroek agintzen dute erabakiguneetan. Urriko hauteskundeek ez diote aurpegia aldatu Brasili; hala ere, Acre estatuan oposizioko frontea gailendu zaio politikari klasikoan taldeari. Jorge Viana gobernadore berriak eta Tio Viana eta Marina Silva senadoreek Chico Mendesen borroka gertutik bizi izan zuten; orain haien erantzukizuna da Chicok irekitako bideak jorratzea.

• Mikel Mendizabal •
RIO BRANCO (BRASIL)

Hamar urteren ondoren

Seringeroen egoera hobetu bada, oihanaren txikizio joerak ez du atzera egin. Chico Mendesen hilketaren ondoren, haren eskara nagusietakoei erantzuna jaso zuten: Brasilgo Gobernuak erauzketa-erreserben sortze prozesuari ekin zion, eta egun 25.000 kilometro koadro inguruko lurraldea (Euskal Herria baino eremu handiagoa) modu horretan babesturik aurkitzen da. Babesguneak eratu dira, beraz, baina latexaren erauzketak errentagarritasunik

gabe jarraitzen du eta ondorioz seringeroen bizi-kalitateak ez du modu adierazgarrian hobetzerik izan. Basoko zura kontrolik gabe ustiatzen duten *madeireiro*-ek eskaintza gozoak egiten dituzte, seringeroak egun batzuetan aberasteko moduak, baina hamar urteren ondoren lorturiko barne antolakuntzaren ondorioz *madeireiro*ei bizkarra eman eta oihana ustiatzeko beren ohiturari eusteko ahaleginetan dabiltza. Seringeira zuhaitzak erakutsi zien oihana maitatu eta errespetatzen —

...badauzkagu 100.000 bezero dagoeneko.

Urtea hasi besterik ez da egin eta jada lortu dugu gure lehen helburua, 100.000 bezero izatera iristea. Ongi egindako lanaren emaitza da lorpen hori. Euskal geografiaren luze-zabalean **NaturGasi** esker beren etxeetan edo beren lantokietan gas naturalaren abantailak eskuratu dituzten 100.000 familiek onetsi duten lan bat. Laster, askoz gehiago izango dira, dugun energia guztiarekin lan egiten jarraituko dugulako. Eta zu, zeren zain zaude?



ZURE ALDE, ENERGIA HANDI BATEK MUGITZEN GAITU.



Urzayk saria jaso du Naturgaseko 100.000. bezeroa izateagatik.

NaturGas